

## REGLUGERÐ

### um gæðamat á æðardúni.

#### 1. gr.

##### *Gildissvið.*

Reglugerð þessi fjallar um framkvæmd gæðamats á íslenskum æðardúni, starfsskyldur og hæfiskröfur dúnmatsmanna.

#### 2. gr.

##### *Skilgreiningar.*

*Dreifing:* Sala eða afhending á fullhreinsuðum æðardúni.

*Dúnmatismaður:* Aðili sem fengið hefur starfsleyfi frá landbúnaðarráðuneytinu.

*Fullhreinsun:* Þegar dúnn hefur verið þurrhreinsaður á þann hátt að engir hnökrar, óhreinindi, kusk, ókunn efni, ryk eða fjaðrir finnast í dúninum.

#### 3. gr.

##### *Dreifing.*

Allur æðardúnn, hvort sem er til dreifingar á innanlandsmarkaði eða til útflutnings, skal metinn og veginn af lögskipuðum dúnmatsmönnum eftir fullhreinsun, sbr. 2. gr. Áður en að dreifingu á innanlandsmarkaði eða til útflutnings kemur skal liggja fyrir að æðardúnn standist gæðamat dúnmatsmanna með vottorði þeirra þar að lútandi. Vottorð dúnmatsmanna skal vera samkvæmt fyrirmynd í viðauka C. Þvoi dreifingaraðili æðardún eftir fullhreinsun sbr. 2. gr. og gæðamat skal hann ávallt fá dúnmatmann aftur til að innsigla og staðfesta magn æðardúnsins eftir þvottinn.

#### 4. gr.

##### *Starfsleyfi dúnmatsmanna.*

Þeir aðilar sem áhuga hafa á að sækja um starfsleyfi til dún mats, skulu senda landbúnaðarráðuneytinu umsókn þess efnis. Landbúnaðarráðuneytið gefur út starfsleyfi til allt að fimm ára til handa dúnmatsmönnum til starfa á starfssvæðum sbr. viðauka B að fengnum tilögum Bændasamtaka Íslands og Félags íslenskra stórkaupmanna.

#### 5. gr.

##### *Hæfniskröfur dúnmatsmanna.*

Hæfniskröfur dúnmatsmanna felast m.a. í því að hafa verulega reynslu af æðardúnstekju, meðhöndlun æðardúns og þekkingu á eiginleikum hans. Auk þess skulu dúnmatsmenn sækja námskeið hjá Landbúnaðarháskóla Íslands þar sem farið er yfir helstu atriði er snúa að æðarflugli, æðardúnstekju, geymslu, meðhöndlun hreinsun og eiginleikum æðardúnsins. Á námskeiðinu skal dúnmatsmönnum veitt leiðsögn um mat á æðardúni þannig að gætt sé samræmis við mat alls staðar á landinu. Dúnmatsmenn skulu sækja námskeið um dúnmat á a.m.k. fimm ára fresti eða ávallt áður en starfsleyfi fellur niður og sótt er um starfsleyfi til dún mats.

Dúnmatsmenn skulu ávallt gæta að hæfisreglum 3. gr. stjórnáráðslulaga nr. 37/1993 og áhrifum vanhæfis sbr. 4. gr. stjórnáráðslulaga.

## 6. gr.

*Starfssvæði dúnmatsmanna.*

Fjöldi dúnmatsmanna skal vera allt að 12 og koma starfssvæði þeirra fram í viðauka B. Allt að fimm dúnmatsmenn skulu starfa á starfssvæði Norðvesturlands. Allt að þrír dúnmatsmenn skulu starfa á starfssvæði Norðausturlands. Allt að þrír dúnmatsmenn skulu starfa á Suðvesturlandi þ.m.t. Reykjavík en a.m.k. einn dúnmatismaður skal starfa á Suðurlandi.

## 7. gr.

*Dúnmat.*

Matsbeiðandi skal óska eftir mati dúnmatsmanns áður en til dreifingar kemur eftir fullhreinsun sbr. 2. gr. Ávallt skal hafa í huga hæfisreglur stjórnsýslulaga við slíka umsýslu.

Við gæðamat á fullhreinsuðum æðardúni sbr. 2. gr., skal dúnmatismaður m.a. ganga úr skugga um að engir hnökrar, óhreinindi, kusk, ókunn efni, ryk eða fjaðrir finnist í æðardúninum. Hann skal auk þess taka tillit til eiginleika æðardúnsins fjaðurmögnunar og litar hans.

Til að ganga úr skugga um að ekkert ryk fyrirfinnist í æðardúninum skal dúnmatismaður taka u.þ.b. 30 – 50 gr. visk af æðardúni og hrista í 15 sek. yfir hvítu blaði.

Til að ganga úr skugga um að engir hnökrar, kusk, ókunn efni eða fjaðrir leynist í æðardúninum skal dúnmatismaður nota sjónmat og snertiskyn. Til að kanna hreinleika dúnsins skal hann taka u.þ.b. 30 - 50 gr. visk af æðardúni og skoða vel, ekkert kusk, ókunn efni eða fjaðrir mega vera í dúninum svo hann standist gæðamat.

Kostnaður við dúnmat greiðist af matsbeiðanda samkvæmt gjaldskrá sem landbúnaðarráðherra staðfestir.

## 8. gr.

*Viðurlög.*

Brot á reglugerð þessari varða sektum og sæta meðferð opinberra mála.

## 9. gr.

*Gildistaka.*

Reglugerð þessi er sett með heimild í 3. gr. laga nr. 52/2005 um gæðamat á æðardúni. Á sama tíma fellur úr gildi erindisbréf fyrir matsmenn á æðardúni nr. 64/1972. Reglugerðin tekur gildi þegar í stað.

*Bráðabirgðaákvæði.*

## I.

6. gr. reglugerðarinnar tekur gildi frá og með 1. ágúst nk. Fram að þeim tíma eru skipaðir tímabundnir dúnmatsmenn.

*Landbúnaðarráðuneytinu, 12. júlí 2005.*

F. h. r.

**Guðmundur B. Helgason.**

*Ingibjörg Ólöf Vilhjálmisdóttir.*

## VIÐAUKI A

1. Í vottorði frá dúnmatsmanni sbr. fyrirmynd í viðauka C, sem fylgja skal með hverri dreifingu af fullhreinsuðum æðardúni sbr. 2. gr., skal eftirfarandi koma fram:

- að um fullhreinsaðan æðardún sé að ræða sem staðist hefur gæðamat
- að staðfest sé þyngd sendingar
- að æðardúnninn hafi verið settur í pakkningar undir eftirliti dúnmatsmanns
- að hver poki sé innsiglaður af dúnmatsmanni og að þar komi fram númer dúnmatsmanns
- undirskrift dúnmatsmanns.

Sé æðardúnn þveginn skal auk þess fylgja með vottorð frá dúnmatsmanni með hverri sendingu þar sem fram kemur:

- að staðfest sé þyngd sendingar
- að hver poki sé innsiglaður af dúnmatsmanni og þar komi fram númer dúnmatsmanns
- undirskrift dúnmatsmanns.

Landbúnaðarráðuneytið staðfestir og skráir þau tæki og einkenni þeirra, sem hver lögskipaður dúnmatmaður notar við að innsigla pakkningar, enda sé um viðurkennd tæki og aðferð að ræða.

2. Umsókn um starfsleyfi dúnmatsmanns skal senda til landbúnaðarráðuneytisins.

3. Dúnmatmenn sem sótt hafa námskeið skulu reglulega samræma og samhæfa vinnubrögð og aðferðir við dúnmat, eftir því sem landbúnaðarráðuneytið telur þörf á.

4. Við mat skal dúnmatmaður taka sýni úr hverri pakkningu til þess að sannreyna að dúnninn sé fullhreinsaður. Hann ábyrgist að sýnið sé fullhreint og hafi staðist gæðamat, sbr. 7. gr. Dúnmatsmanni er heimilt að geyma sýni þar til staðfesting á greiðslu hefur borist. Sýnið er ávallt eign matsbeiðanda.

## VIÐAUKI B

1. Starfssvæði dúnmatsmanna skulu vera:

- Norðvesturland. Til þess teljast eftirtalin sveitarfélög:

Hvalfjarðarstrandarhreppur	Eyja- og Miklaholts-hreppur	Bolungarvíkurkaupstaður
Skilmannahreppur	Snæfellsbær	Ísafjarðarbær
Innri-Akraneshreppur	Grundarfjarðarbær	Súðavíkurhreppur
Leirár- og Melahreppur	Helgafellssveit	Árneshreppur
Skorradalshreppur	Stykkishólmsbær	Kaldrananeshreppur
Borgarfjarðarsveit	Dalabyggð	Hólmavíkurhreppur
Hvítársíðuhreppur	Saurbæjarhreppur	Broddaneshreppur
Borgarbyggð	Reykholahreppur	Bæjarhreppur
Kolbeinsstaðahreppur	Vesturbyggð	Húnaþing vestra
	Tálknafjarðarhreppur	Áshreppur

Sveinsstaðahreppur	Bólstaðarhlíðahreppur	Sveitarfélagið
Torfalækjarhreppur	Höfðahreppur	Skagafjörður
Blönduósbær	Skagabyggð	Akrahreppur
Svínavatnshreppur		
• Norðausturland. Til þess teljast eftirtalin sveitarfélög:		
Ólafsfjarðarbær	Skútustaðahreppur	Fljótsdalshérað
Grimseyjarhreppur	Aðaldælahreppur	Fljótsdalshreppur
Dalvíkurbyggð	Húsavíkurbær	Borgarfjarðarhreppur
Arnarneshreppur	Tjörneshreppur	Seyðisfjarðarkaupstaður
Hörgárbyggð	Kelduneshreppur	Fjarðabyggð
Akureyrarkaupstaður	Öxarfjarðarhreppur	Mjóafjarðarhreppur
Eyjafjarðarsveit	Raufarhafnarhreppur	Fáskrúðsfjarðarhreppur
Svalbarðsstrandar- hreppur	Svalbarðshreppur	Austurbyggð
Grýtubakkahreppur	Þórshafnarhreppur	Breiðdalshreppur
Þingeyjarsveit	Skeggjastaðahreppur	Djúpavogshreppur
	Vopnafjarðarhreppur	
• Suðurland. Til þess teljast eftirtalin sveitarfélög:		
Skaftárhreppur	Hraungerðishreppur	Hveragerðisbær
Mýrdalshreppur	Villingaholtshreppur	Sveitarfélagið Ölfus
Rangárþing eystra	Skeiða- og Gnúpverja- hreppur	Grindavíkurbær
Rangárþing ytra	Hrunamannahreppur	Sandgerðisbær
Ásahreppur	Bláskógabyggð	Sveitarfélagið Garður
Vestmannaeyjabær	Grímsnes- og	Reykjanesbær
Gaulverjabæjarhreppur	Grafningshreppur	Vatnsleysustrandar- hreppur
Sveitarfélagið Árborg		
• Suðvesturland og Reykjavík. Til þess teljast eftirtalin sveitarfélög:		
Garðabær	Seltjarnarnes	Reykjavíkurborg
Sveitarfélagið Álftanes	Mosfellsbær	
Kópavogsbær	Kjósarhreppur	

Verði heiti eða mörkum sveitarfélags breytt eða sameinist tvö eða fleiri þeirra skal litið svo á að sveitarfélagið, sem til verður í staðinn, heyri til þess svæðis sem það eldra eða þau eldri heyrðu til.

VIÐAUKI C

**Vottorð dúnmatsmanns samkvæmt reglugerð nr. 659/2005**  
*Eiderdown certificate of Inspection according to regulation no. 659/2005*

**Matsbeiðandi:**

Nafn/Name: \_\_\_\_\_

Heimilisfang/Address: \_\_\_\_\_

Land/Country: Ísland/Iceland

**Dúnmatismaður:**

Nafn/Name: \_\_\_\_\_

Heimilisfang/Address: \_\_\_\_\_

Land/Country: Ísland/Iceland


---

**Gæðamat á æðardúni/Quality control**

Þyngd/Weight: \_\_\_\_\_

Pakkað og innsiglað  
undir eftirliti  
*Packed and sealed  
under control*

Stenst gæðamat  
*Approved*



---

Dagsetning, staður/Date, place:

---

Undirskrift, dúnmatsmanns og númer hans.  
*Signature of the quality controller and number.*